



UNIVERSITÄTS-
BIBLIOTHEK
PADERBORN

Compendiosa Praxis Beneficiaria

Nicolarts, Laurentius

Coloniae Agrippinae, 1658

Gregorivs Papa XIII.

[urn:nbn:de:hbz:466:1-61991](#)

GREGORIUS PAPA XIII.

Gregorius
Pape 13.
Conficit.
41. Bullas
rit tom. 2.



D futuram rei memoriam. Quæ in Ecclesiā Exordium
Dei incommoda inferunt, Nostrâ Nos expedit
animadversione removere.

Num. I. Cūm itaque per literas fēk. recor. NICOLAI Papæ V. Na-
tioni Germanicæ pro illius unione & concordia cum Sede
Apostolica inter alia concedatur, ut quoties aliquo vacan-
te beneficio Ecclesiastico in mensibus Januarī, Mar-
tii, Maii, Iulii, Septembri, & Novembris,
in quibus vacantium Germanicæ beneficiorum Ecclesiastis
corum dispositio dictæ Sedi specialiter reservata est, non
apparuerit intra tres menses à die notæ vacationis in loco
beneficii, quod alicui de illo Apostolicā auctoritate provi-
sum fuerit, ex tunc, & non anteā Ordinarius, vel aliis ad
quem illius dispositio pertinet, de illo disponere possit,
& sēpē numerō contingat, ut antequām inquisitiō, quam
plerumque etiam concursu plurium, sive in partibus, sive
apud Sedem fieri oportet in vitam, mores & doctrinam
eorum, quibus de dictis beneficiis per Sedem eandem pro-
videndum est, compleri possit, aut antequām de ipsis
provisionibus, seu de mandatis, quæ ad inquisitiones &
provisiones huiusmodi faciendas ab eadē Sede impetran-
tur, vel motu proprio procedunt, literæ Apostolicæ
confiantur, vel etiam antequām mandata ipsa à Iudici-
bus, ad.

Referat
Constitu-
tionem Nie-
colai Pa-
pas.

bus, ad quos directa sunt, recipiantur, vel recepta exp̄e-
diantur: interdum quoque literis Apostolicis expeditis,
& gratiā purificatā, seu mandatis prædictis receptis, &
inquisitione completā, antequām omnimoda execu-
tio perficiatur, propter diversa impedimenta, quæ frequen-
ter succedunt, tempus trium mensium, ex quo vacatio
beneficii in loco ipsius nota est, expiret, ac proinde Or-
dinarii locorum, aut alii ad quos talium beneficiorum
dispositio, cessantibus Apostolicis reservationibus, per-
tinet, lapsō tempore prædicto, licet priusquam illud la-
beretur, provisionis sive alterius dispositionis de illis à di-
cta Sede iam gratia facta fuerit (quod ipsum ad tribuen-
dum & quærendum ius, satis superq; esse certa iuris in-
terpretatione frequenter declaratum est) illa tamen con-
ferre contendant. Qua de causa multis Religione & pie-
tate insignibus, quando ii post ostēsum virtutis & doctri-
næ suæ specimen, atque inde emensos labores, & sum-
ptus, beneficiis potiri deberent, alii præoccupatores ob-
tentu Ordinariæ collationis huiusmodi contra adversan-
tur.

Eamq; bīc
Pontifex
declarat.

II. Nos indignum rati, quod temporis mora, quam
ad perscrutandum accuratiūs talium probitatem, industri-
am, & alia requisita intercedere pro utilitate Ecclesiæ ne-
cessē est, locum iniuriis aperiat, attentesq; verba præ-
dicta: *in loco beneficii*, cum verbis *notæ vacationis*,
quæ protinus antecedunt, coniungi, & ad illa dumtaxat
referri, ac voluntatem concedentis, sensumq; concessio-
nis. &c

nis, & literarum prædictarum sic esse, ut dispositio beneficii intra tres menses à die notæ vacationis à Sede prædicta fieri, deq; gratia facta alicubi apparere debeat, quemadmodum re inter utriusque juris interpretes jam pridem controversâ, summa ratione judicatum apparet, vix enim est, ut itineribus non modò infestis, aut prohibitis, quod ferè semper aliquo contingit, sed etiam expeditis, quis ex tam longinquis regionibus ad dictam Sedem profectus, & in ea ad expediendum negotium vel paulisper moratus, in eisdem se recipere tantâ temporis angustiâ possit. Quocircá æquitate & justitiâ suadentibus, præsentium auctoritate declaramus concessionem NICOLAI Papæ, & literas prædictas locum omnino non habere, quod Ordinarii, aut alii collatores prædicti, post lapsum trium mensium ex die notæ vacationis in loco beneficii, disponere possint de ulla beneficiis prædictis, alias sub concessione & literis prædictis comprehensis, extra Romanam Curiam in mensibus prædictis quoquo modo vacantibus vel vacaturis, de quibus intra dictum tempus trium mensium per Romanum Pontificem, ac dictam Sedem qualiscumque gratia, vel dispositio, aut concessio facta fuerit. Ne tamen cuiquam licetum sit factam à Sede prædicta dispositionem huiusmodi in longum obtegere, illi quibus deinceps gratiæ hujusmodi concedentur, etiam concessionum fidem & testimoniunum intra tres menses à die notæ vacationis in loco beneficii hujusmodi, vel dictis collatoribus significare, vel in ipso beneficii loco publicare quoquo modo teneantur.

III. Decernentes omnes, & quascumq; dispositiones

*Decretum
errans.
de*

de dictis beneficiis ab eisdem collatoribus post significatio-
nem, seu publicationem hujusmodi pro tempore factas,
nullas & invalidas, nulliusq; roboris vel momenti fore.
Sicq; in quibusvis causis pendentibus & futuris judicari de-
bere; nec non irritum & inane, quidquid secus super his ab
eisdem collatoribus, aut quibuscumque aliis scienter vel
ignoranter contigerit attentari.

*Collatorū
in obediē-
tium pœ-
mæ.*

IV. Quod si forte quisquam collatorum prædictorum
fuerit præsentium violator, eum à beneficiorum & officio-
rum collatione tam diu suspendimus, donec ipse veniam
petens restitutionis gratiam à Sede prædicta meruerit ob-
tinere.

*Fides trā-
sumpto-
rum.*

V. Cæterum volumus, ut præsentium transumptis,
etiam impressis, Notarii publici manu, & sigillo personæ
in dignitate Ecclesiastica constitutæ obsignatis, eadem
prorsus fides in judicio & extra illud ubique locorum ad-
hibetur, quæ adhiceretur ipsis præsentibus, si essent exhi-
bitæ vel ostensaæ.

*Sancio
penit.*

VI. Nulli ergo omnino hominum liceat hanc pagi-
nam Nostræ declarationis, decreti, suspensionis, & volun-
tatis infringere, vel ei auctu temerario contraire. Si quis
autem hoc attentare præsumpscerit, indignationem Omni-
potentis Dei, ac Beatorum Petri & Pauli Apostolorum e-
jus se noverit incursum. Dat. Romæ apud S. Petrum,
anno Incarnationis Dominicæ Millesimo quingentesimo
septuagesimo sexto. Kalend. Novembris, Pontificatus
Nostræ anno quinto,

§ 2. In

§. 2. In quo appetet S. Sedis Apostolicæ cum Ordinatiis Germaniæ benignitas, quod etiam sibi soli legem statuendo contra jus commune c. licet. 3. de supplen. neglig. Prælat. c. postu lasti. 15. de concess. præben. gloss. in c. statutum. 3. in verb numerandum. sub fin. de præben. in 6. VV amesius in consil. canonic. tom. 1. consil. 218. num. 3. & consil. 247. num. 23. patiatur devolutionem fieri à supermo ad inferiorem, Branden ad Concordat. quest. 6. num. 17. Chokier ad reg. 8. cancell. gloss. 11. num. 4. 5. & 28. Layman Theolog. moral. lib. 4. tract. 2. cap. 10. num. 3.

§. 3. Notant tamen prædicti Doctores, quod si ejusmodi negligentia intervenerit, non per hoc concurrentiam excludi, quod minus lapsis dictis tribus mensibus, Summus Pontifex conferat beneficium sic vacans, cujus collationis dies si prior sit collatione Ordinarii, dubium non est, quin à Pontifice provisus provisum ab Ordinario excludat. c. dudum. 14. de præben. in 6. Cùm inter Papam, & Ordinarios collatores sit locus præventioni; nam licet Concordata tollant gratias præventivas, & expectativas quoad beneficia vacatura, minimè tamen excludunt gratias præventivas, seu collationes de vacantibus. Neque enim cùm Pontifex alicui, seu aliquibus concedit facultatem conferendi beneficia, sibi illam omnino adimit, saltem quod minus illum, seu illos prævenire possit in vacante beneficio d. c. dudum. 14. §. nos igitur de præben. in 6. Imò prohibitis expectativis & præventivis gratiis quoad vacatura, non censetur quoque prohibita præventio per Ordinariam viam; quia omnium beneficiorum Ecclesiasticorum dispositio est in manu Papæ. Clem. 1. ut lite pend. Rebuff. in praxi tit. de devolut. num. 46. 47. 48. & 49. & ad Concord. Galliae de mand. Apost. §. declarantes. vers. iure præventionis. Branden ad Concord. Germ. quest. 6. num. 18 & quest. 12 n. 19. & not ab. 1. num. 3. VV ames. in consil. canonic. tom. 3. consil. 237. num. 6. & consil. 239. num. 2. Gonzalez ad reg. 8. §. 3. proœm. à n. 1. & gloss 25. num. 15. 16. 17. 18. 19. & 20. Lefsius de inst. & iure. lib. 2. cap. 34. dubit. 10. num. 45. Garcias de benef. part. 5. cap. 1. num. 9. & seq. & cap. 5. num. 44. Chokier loco præcit. num. 5. 15. 16. & 17. Layman suprà cit. loco num. 2. Barboja de off. & potest. Episc. part. 3. alleg. 57. num. 10. & seq. Zypaus in consultat. canonic. lib. 3.

de præben. consultat. 5. vers. Et vere. Rota apud Gregor XV. decis. 500.
 num. 7. & decis. 291. in addit. num. II. Et ita sæpiissimè Concordata Germaniæ interpretata est Rota Romana, tum in una Meten. Canonicus. 8. Novembris 1577. coram R. P. D. de Rubeis, tum in altera Paderbornen. Canonicus. 29. Martii 1610. coram Reverendissimo D. Coccino, nec non coram eodem. in Eluen. beneficii. quæ postrema decisio refertur à Marchesano de Commission. part. 2. in fine inter adiectas ibidem decisiones Rotales in imprimendo omissas fol. mihi 607. quod videlicet Concordata non obstant, quò minus Papa in mensibus Ordinariis possit provide: re, & sit locus præventioni; quia hujusmodi Concordata tolunt tantum obstacula ratione gratiarum præventivarum, & reservationum quoad vacatura, ut patet ex verbis & tenore ipsorum Concordatorum suprà in principi sub num. 5. ibi, per quamcumque aliam reservationem, gratiam expectativam &c. & sequitur, quò minus de illis, cùm vacabunt &c. & relinquunt Ordinarios collatores in eorum iure Ordinario; non tamen ideò ut inquit Rota in præcitat. decisionibus, Papa censemur sibi ligasse manus, ut in dictis sex mensibus Ordinariorum non possit conferre, cùm ipse sit universalis Ordinarius omnium, & per principalem & cuncta per mundum. 9. q. 3. Nec obstat, si dicas, quod Concordata videantur etiam excludere alias gratias, præter præventivas, per illa verba sub eod. n. 5. aut quamvis aliam dispositionem &c. quia secundum interpretationem Rotæ in ddi. decisionibus debent intelligi de dispositionibus simili bus, & sic de gratiis præventivis, cùm dicatur de gratia expe: ctativa, & inferius subdatur, cùm vacabunt. Pariter non obstat, quod in Concordatis adsit decretum irritans, quia illud sortitur naturam principalis dispositionis quoad gratias præven: tivas tantum, & non ampliat dispositiones; sed nec Papam ligat, cùm non dicatur, etiam per Nos &c. ita Rota in prædictis decisionibus. qualis clausula irritans habetur in Concordatis Regnum Poloniæ & Galliæ infrætit. 4. & 5. relatis. Quan: quam Pontifex, vix aut rarissimè, & non sine gravissima cau: fa utatur via præventionis, aut concursus in mensibus Ordinariis, ut evitentur confusiones & lites. Branden. ad Concord.

quæst.

quæst. 12. num. 20. Lessius de iust. & iure. lib. 2. cap. 34. dubit. 10.
num. 48. Layman Theol. moral. lib. 4. trac. 2. cap. 10. num. 3.

§. 4. De beneficiis autem apud Sedem Apostolicam vacan- De benefi-
tibus (in cæteris enim nullum præfinitum est tempus) Rebuff. eod. ciis verò
tit. de devolut. n. 5. Malderus in 2. 2. D. Thome. trac. 9. cap. 2. dub. 5. apud Se-
vers. notandum secundò. Garcias de benef. part. 10. cap. 2. num. 12. Pontifex intra mensem à die vacationis providere debet, dem Apo-
alioquin dicto tempore lapsò, valebunt collationes ab Ordina- stolicam
riis factæ potestate ordinaria, perinde; ac si nulla unquam re- vacationis
servatio exitisset. c. statutum. 3. de præben. in 6. Zerola in praxi Papa in-
Episc. part. 1. verb. beneficia. ad tertium. & part. 2. verb. reserua- tra men-
tio vers. decimo. Garcias de benef. part. 5. cap. 1. num. 96. Chokier
ad reg. 1. cancell. num. 33. vers. prima igitur. Barbosa de iure Eccles. sem provisio-
univers. lib. 3. cap. 13. num. 32 & 34.

§. 5. Non operatur tamen hæc restrictio ad mensem, ut post licet poss
mensem omnino excludatur Papa à conferendo, vel cum Or-
dinariis concurrendo, aut eos præveniendo, ut supra hoc dub. Ordinariis
§. 3. ostendi, sed ad hoc tantum, ut post dictum mensem ma- intra sex
nus Ordinarii non cœlantur ulterius ligatae gloss. in d. c. statu- mensibus
tum. Rebuff. loc. cit. num. 46. 47. 48. & 49. VV amesius in consil. concurrere
canonic. tom. 1. consil. 237. sub num. 6. & consil. 239. num. 3. Chokier queat.
suprà. Barbosa loco præcitat. num. 35.

§. 6. Respondeo secundò, in iisdem Concordatis nullum cer- Ordinariis
tum Ordinariis constitui tempus, intrà quod illi conferre de- intra sex
beant; ideoq; relinqui iuris communis dispositioni, quæ Or- mensibus con-
dinariis temestre præfigit à tempore scientiæ vacationis nume- ferre tenetur
randum, ad beneficia in mensibus suis vacantia conferenda, tur, also-
alioquin eo elapsò, illa velut caduca ad Superiores gradatim quin ad
usque ad Papam devolvantur. c. nulla. 2. e quia diversitatem. 5. 10. Superior es
de concess. præben. c. licet. 3. de supplen. neglig. Prælat. & Clem. uni- fit devo. u.
ca. eod. tit Rebuff. supra num. 4. & 10. Francif. leo in thes. fori
Eccles. part. 2. cap. 3. num. 30. Lessius de iust. & iure. lib. 2. cap. 34.
dubit. 10. num. 46. Malderus in 2. 2. D. Thome. trac. 9. cap. 2.
dub. 5. Garcias de benef. part. 10. cap. 2. num. 1. & seq. & cap. 3. num.
1. ac seq. Barbosa de off. & potest. Episc. part. 3. alleg. 58. num. 1. &
5. Rota in recent. part. 2. decif. 186. num. 1.

Quorum
quilibet
etiam sex
menses
habet ad
conferen-
dum.

§. 7. Quo casu quilibet eorum habet similiter sex menses ad conferendum, *Garcias dicta part. 10. cap. 3. num. 1.* *Barbosa de off. & potest. Episc. part. 3. alleg. 58. num. 11. & 15.* Ita ut si v.g. collatio ad collatorem inferiorem spectaverit, eo negligente, devolvetur ad Episcopum tanquam ad proximum Superiorem, *præcit. c. 2. de concess. præben Rebuff. suprà de devolut. n. 25.* *Azor. inst. moral. part. 2. lib. 6. cap. 27. quæst. 4.* *Barbosa de iure Eccles. univers. lib. 3. cap. 13. num. 109.* nequaquam tamen ad Capitulum Sede vacante, *Abb. inc. cum olim. sub num 2. de maior. & obed.* *Rebuff. loco cit. num. 101.* *Barbosa præcit. cap. 13. num. 109.* Quod procedit etiam in collatoribus regularibus, horum enim potestas ex negligentia in conferendis beneficiis ad Episcopum devolvetur, ut ipse possit conferre tanquam Ordinarius, si exempti non fuerint, alioquin tanquam Sedis Apostolicæ delegatus, si exempti sint, & Romano Pontifici immediatè subiecti, *tex. in Clem. unic. de supplen. neglig.* *Pralat. Rebuff. loc. cit. num. 37.* *Zerola in praxi Episc. part. 1. verb. beneficia vers. ad tertium.* *Erasm. Chokier. de. iurisdict. Ordin. in exempl. part. 4. quæst. 30. num. 8.* *Barbosa loco pratic.* Id tamen intellige de Episcopo loci, in quo sita fuerint beneficia, etiamsi collatores in alia Diœcesi morentur. *gloss. in verb. locorum, in dicta Clem. unic. de supplen. neglig.* *Pralat. Rebuff. suprà num. 39.* *Garcias de benef. part. 5. cap. 3. num. 28.* *Barbosa de iure Eccles. univers. lib. 3. d. cap. 13. num. 109.* à Capitulo autem Cathedralis Ecclesiæ negligentie in conferendis beneficiis, quæ ad suam collationem separatim ab Episcopo pertinent, ad Episcopum tanquam immediatum Superiorem fit devolutio, *iuxta tex. in c. 2. de concess. præben. gloss. inc. irrefragabili. 13. verb. per Capitulum. de off. Ordin.* *Rebuff. dicto loco num. 21.* *Azor. loc. cit. cap. 27. quæst. 2.* *Barbosa suprà num. 110.* Si verò collatio ad Capitulum & Episcopum communiter spectaverit, tunc devolutio ex causa negligentie non fiet ad Episcopum, sed potius Archiepiscopum, uti ad proximum Superiorem, sicuti & à Capitulo Metropolitano ad Patriarcham, seu Primatem, si sit, alioquin ad Nuntrum Apostolicum, & demum ad Papam c. postulasti. *15. de concess. præben. c. licet. 3. de supplen. neglig.* *Pralat. Rebuffus suprà num. 23.*

num. 23. Malderus loc. præcit. Rota decis. alias 313. de supplen neglig. Prælat. in nov. & part. 2. recent. decis. 186. num. 1

§. 8. Episcopo porrò negligente intra debitum tempus con-
ferre beneficia ad suam collationem separati à Capitulo spe-
cialia, devolutio fit ad ipsum Capitulum tanquam à Superio-
rem ad inferiorem, diverso ab aliis exemplo. c. 2. de concess. præben-
ob communionem, quæ est inter Episcopum & suum Capitu-
lum, VV ames. in consil. canon. tom. 1. consil. 246. sub num. 16.
Quod quidem locum tantum habet in beneficiis spectantibus
ad collationem Episcopi proprio iure, non verò ubi ad
eundem pertinuerint iure speciali, vel devoluto, tunc enim
hac collatio, negligente Episcopo, non devolvetur ad Capitu-
lum, sed Superiori, uti ad Papam, si collatio competebat
vigore indulti Apostolici. Rebuff. suprà num. 21. & 23. Garcias
de benef. part. 10. cap. 2. num. 33. & 34. Barbosa suprà num. 111.
Vbi verò Episcopus fuerit exemptus, & Romano Pontifici im-
mediatè subiectus, tunc illo negligente, potestas ad eundem
Pontificem, vel Legatum de latere, non autem ad Capitulum
devolvetur c. sicut. & c. licet. 3. de supplen. neglig. Prælat. c. cùm
singula. 32. §. fin. de præben. in 6. Abb. in c. 2. de success. præben.
num. 7. & 8. Rebuff. loc. cit. num. 36. & in Concordat. Galliae tit.
de collat.). si quis verò in gloss. verb. ad alium Superiorem. versic. in
exemptis. Garcias de benef. part. 10. cap. 3. num. 3. Barbosa cit. cap.
13. num. 112. idq; in omnibus exemptis passim locum habet, ex-
ceptis regularibus; cùm Papa sit eorum Superior proximus,
c. auctoritate. 4. de privileg. in 6. VV ames. in consil. canon. tom.
1. consil. 29. num. 6. & consil. 30. num. 3. ac consil. 246.
num. 12. Erasm. Chokier de iurisdict. Ordin. in exempt. part. 4. quest.
30. num. 5. 8. & 12. Barbosa de off. ac potest. Episc. part. 3. alleg. 58.
num. 13.

§. 9. Idem autem tempus præfixum quoque est electioni-
bus & præsentationibus, nisi sit patronus laicus, cui quatuor
tantum menses concessi sunt c. unico de iure patron. in 6. & c.
quoniam. 3. ac c. cùm propter. 27. X. eod tit. Rebuff. dicto tit. de devo-
lut. n. 3. Lessius de iust. & iure. lib. 2. cap. 34. dubitat. 6. n. 26. Garcias
de benef. part. 10. cap. 2. num. 6. sex autem ex confortio patroni
Eccle-

*us, excepoo
patrono la-
ico, cui
quatuor
tantum
concessio-
nem men-
sas.* Ecclesiastici. Lessius loc. cit. Barbosa de iure Eccles. univers. lib. 3. cap. 12. num. 168. etiam si laicus habeat majorem partem; jus pa- tronatus enim mixtum assumit naturam Ecclesiastici patro- ni Flamin. Paris de resig. lib. 2. quest. 4. num. 50. Barbosa loco cit. num. 169. aut nisi de Episcopi, vel Abbatis, & ad similes maiores dig- nitates electione agatur, cui perficiendae præstitutum est tri- mestre, propterea quod in longa vacatione majorum officio- rum majus periculum soleat versari, c. dilectus. 12. de concessis pre- ben. c. ne pro defectu. 41. de elect. & ibi gloss. Rebuff. loco præcit. num. 4. Malederus suprà vers notandū etiam &c. Canis. in summa lib. 2. tit. 28 §. 5. Gudelin de iure noviss lib. 6. cap. 8. num. 29. Barbosa de iure Eccles. univers. lib. 1. cap. 19. num. 85. & 145. Vnde dum eligentes negligunt tempus præscriptum, electio devoluitur ad proximum Superiorem. Barbosa ibidem. Patrono autem seu Eccle- siastico, seu laico intra tempus præfixum præsentare negli- gente, tunc jus conferendi ad instituentem devolvetur. Lessius de iust. & iure lib. 2. cap. 34. dubit. 10. num. 46. Barbosa de iure Eccles. univers. lib. 3. cap. 12. num. 165. & cap. 13. num. 108.

*Electio ad
Præposi-
turas Leo-
dienenses de-
bet fieri
intra 30.
dies.* §. 10. Veruntamen Leodiensibus ex Indulto Sixti Papæ V. vim Concordatorum habete, in electionibus ad Præposituras tam Majoris, quam cæterarum Ecclesiarum Collegiatarum Civitatis & ditionis Leodiensis, præfiguntur triginta dies à die vacationis computandi, intra quos exdem perficiantur, & earundem confirmatio intra semestre à die electionis nu- merandum à Summo Pontifice petatur: alioquin electiones sunt nullæ, & dictarum Præpositurarum dispositio ad Sedem Apostolicam devolvitur, uti videre licet apud Chokier in com- ment. ad reg. 2. cancell. sub num. 16. & à nobis relatum est suprà tit. 1. dub. I. §. 12.

*Beneficia
in manibus
Ordinarii
Dicitur ejus
ceccelani,
resignata vel
permutata ex
Constitutione
Gregorii XIII.
resignata
vel permuta-
tata intra
debeant:
sex menses
conferris
debore cer-
teus est* §. 11. Respondeo tertio, quamvis iuxta complurium Docto- rum sententiam beneficia in manibus Ordinarii Episcopi Di- ceccelani, resignata vel permutata ex Constitutione Gregorii XIII. Gr. gori 13. Pape Conf. 85. Pontificis Maximi intra mensim à die admissionis conferri Bullarii tom. 2. 10. 13. Garcias de benef. part. II. cap. 3. num. 285. & 337. n. e. ta- men ius

men iudicio non videtur hæc ipsorum interpretatio confor-
mis textui dictæ Gregorianæ, quia per verba eiusdem Constitu-
tionis: *Ipsi* (videlicet Ordinarii) *intra mensem negotium uni-
versum admissionis, vel reiectionis resignationis huiusmodi.* & si
per eos facienda erit, provisionis resignati beneficii iuxta Aposto-
licas & alias canonicas sanctiones, omnino absolvant &c. id ipsum
non præscribitur; nam particula & ibidem interposita sen-
sum disiungit, ac proinde orationem separatā facit, quasi dicat,
quod negotium provisionis resignati beneficii iuxta Aposto-
licas & alias Canonicas sanctiones omnino absolvant, & sic
collationis tempus regulari debet iuxta dispositionem iuris
communis in, c. nulla. 2. de concess. præben. videlicet, ut intra
sex menses peragatur. Sola enim admissio & reiectione resi-
gnationis, in quibus cadere posset fraus, censentur restrictæ
& limitatae ad mensem: de provisione enim id nequaquam di-
ci potest; quod vel ex eo patet, nam cum certum sit, attentâ
dispositione Concilii Tridentini *sess. 24. de reform. cap. 18.* con-
cursum in parochialibus, etiam per resignationem vacantibus
esse faciendum, & per Constitutionem Pii Papæ V. ea de re
editam, ad conferendum semestre sit concessum, nec fuerit
huic Constitutioni per supradictam Gregorii XIII. derogatum,
videretur contrarietatem implicare, si intra mensem facien-
da esset collatio huiusmodi parochialis, præcedente con-

*cursu, uti post Massobr. in praxi habendi concursum ad
paroch. requisit. 7. dub. 1. n. 2. 3. & seq. bene adver-
tit Barbosa de iure Eccles. univers. lib. 3. cap.*

15. §. 2. sub num. 113.

X

DVBI-